



Ilinniartitaanermut Kultureqarnermut,
Ilisimatusarnermut Ilageeqarnermullu
Naalackersuisoq
/Maani

Ullaq: 22. oktober 2015

J.nr.: 01.39.01.03-00162

Ilinniarnertuunngorniartarneq pillugu Inatsisartut inatsisaata allanngortinnera pillugu, UKA2015/164, pillugu apeqqutit

- Ilinniarnertuunngorniartarfiit pillugit inatsisip allannguutissaatut siunnersuutip suliarineqarneranut atatillugu Kultureqarnermut, Ilinniartitaanermut Ilisimatusarnermut Ilageeqarnermullu ataatsimiititaliaq arlalitsigut inatsisit qanoq paasineqartariaqarneranik nassuiaanneqarnissamut kissaateqarpoq

Taamaattumillu apeqqutit makku Naalackersuisunit akineqarnissaat ataatsimiititaliamit kissaatigineqarpoq.

Ilinniarnertuunngorniartarneq pillugu inatsisip allannguuteqarnissaanik siunnersuut ataatsimut isigalugu:

1. Inatsisissatut siunnersuutip nalinginnaasumik nassuiaatitaani ataatsimiititaliamit maluginiarneqarpoq, ilinniarnertuunngorniartarfiimmi Rektor Kultureqarnermut, Ilinniartitaanermut, Ilisimatusarnermut, Ilageeqarnermullu Naalackersuisoqarfiup ataani oqartussaasutut isigineqartoq. Rektorip Naalackersuisut sinnerlugit atorfinitsitsisarnissamik periarfissinneqarnissaa pinnagu Rektorip inatsimmi atorfinitsitsisarnermut soraarsitsisarnermullu toqqaannartumik immikkullu oqaatussaaffillerneqarnissaa sumik tunngaveqarlutik Naalackersuisut naapertuunnerusutut isigaat?
2. Inatsisissatut siunnersuummut oqartussaaffinnut taaneqartunut atatillugu, atorfitsitsisarnermut soraarsitsisinnaanermullu pisinnaatitaanerup atorfinitsitsissarnermut oqartusnaanerup aamma malitsigissagaa Naalackersuisut isumaqarpat?
3. Kalaallit Nunaanni Namminersorerullutik Oqartussani kommuninilu tjenestemandit pillugu Inatsisartut inatsisissaat nr. 21, 18. december 2003-meersuni § 4 naapertorlugu ima allassimasoqarpoq:

”§ 4. Namminersorerullutik Oqartussani tjenestemandit Naalackersuisunit ivertinneqartassapput. Kommunini tjenestemandit kommunalbestyrelsinit ivertinneqartassapput.”

Aalajangersakkanut nassuiaatini imatut allassimasoqarpoq § 4-mut
"Tjenestemandinut ataasiakkaanut arlalinnulluunniit
atorfinitsitsinermi kina oqartussaasuunersoq inatsimmi matumani
aalajangersarneqanngilaq. Aalajangersakkami tulleriinneri malillugit
Namminersorerullutik Oqartussani aamma Kalaallit Nunaanni
kommunini ivertitsinermut kikkut oqartussaassuseqarnerat
taamaallaat oqaatigineqarpoq, tassalu tulleriinneri malillugit Kalaallit
Nunaanni Naalackersuisut aamma kommunalbestyrelsit.
Ilinniarnertuunngorniarfiit pillugit inatsisip allannguutissaatut
siunnersuummi uani tjenestemandit atorfinitsinneqartarnerinut
soraarsinneqarsinnaanerinullu aalajangersakkanik immikkut
tunngavissanik takussutissaqanngilaq"

Tjenestemandit pillugit inatsimmi Naalackersuisut toqqaannartumik minitsisoqaranilu
naapertuuttutut isigaat tjenestemandit Namminersorerullutik Oqartussani
atorfinitsinneqartarnerini Naalackersuisunit atornitsinneqartassasut
kinaagaluartorluunniit atorfinitsitsisussatut piginnaatitaagaluarpasut?
(Ilinniarnertuunngorniarfiit, qullersaqarfiit allallu namminersorerullutik oqartussat
ataani inissisimasut)

4. Naalackersuisut tjenestemandit atorfinitsinneqartarnerisa
Ilinniarnertuunngorniarfinnut Rektornut tamakkiisumik akisussaaffimmik
tunniussiniarnerannut tunngavissaq sunarpiaq Naalackersuisunit pigineqarpa?

Inatsisissatut siunnersuutip aningaasatigut allaffissornikkullu kingunissai:

5. Inatsisissatut siunnersuummi allassimasutut atorfinitsitsisinnaanermut
soraarsitsisinnaanermullu piginnaatitsinerup ilinniarnertuunngorniarfimmi Rektorimut
nuunneqarnerisigut atorfinitsitsinermi soraarsitsinermiluunniit
isumaqatigiinngittoqartillugu akisussaaffik tamakkiisoq – tassunnga ilanngullugit
allaffissornikkut aningaasaqarnikkullu akisussaaffik rektormit tigummineqassasut
Naalackersuisut isumaqarpat?
6. Nunatsinni Ilinniarnertuunngorniarfinni sulisunik atorfinitsitsisarnermut
soraarsitsisarnermullu atatillugu ullumikkut aningaasartuutaasartut
Naalackersuisunit qanoq amerlatigineri ilimagineqarpat? – Uani sulisunik
pisariaqartitsinermik nalilersuineq, atorfii inuttassarsiorneqarneranik suliaqarneq,
atorfinitsitsinermut atatillugu oqaloqateqarnerit, atorfinitsitsinermi
isumaqatigiissusiornerit, soraarsitsisoqartillugu susassaqaqartunik tusarniaanerit
ilaallu ilanngullugit.
7. Atorfinitsitsinermut soraarsitsinermullu rektor piginnaatinneqarpat apeqqut 6-mi
eqqartorneqartutut aningaasartuutissat Ilinniarnertuunngorniarfiit ataasiakkaat
tamakkiisumik nammatassarissavaat? Taamaattoqassappat aningaasartuutissat
sumut inissinneqassappat?
8. Maannakkut inatsisit atuuttut tunngavigalugit atorfininnermut atatillugu aamma
suliunnaanermut atatillugu pequtit assartorneqarnerinut aningaasartuutit

Naalakkersuisoqarfimmiippat? imaluunniit Ilinniarnertuunngorniarfinni ataasiakkaani inissisimappat?

9. Inatsisissatut siunnersuut una akuersissutigineqassappat aningaasartuutissat apeqqut 8-mi pineqartut sumut inissinneqarnissaat naatsorsuutigineqarpa?

Kultureqarnermut, Iliniartitaanermut, Iisimatusarnermut, Ilageeqarnermullu Ataatsimiititaliap allakkatigut Naalakkersuisumut apeqquteqaatigisaminut akissuteqaatit allakkap tiguneranit ullut 29. oktober 2015 qaangiutsinnagit ataatsimiititaliaq akissutisinissaminut qilanaarpoq. Akissuteqaatit Rikke Frederiksenimut mail rifre@ina.gl atorlugu nassinneqassapput.

Inussiarnersumik inuulluaqqusillunga

Vivian Motzfeldt

Vivian Motzfeldt

Kultureqarnermut Iliniartitaanermut, Iisimatusarnermut,
Ilageeqarnermullu ataatsimiititaliami siulittaasoq



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq

**Ilinniarnertuunngorniartarneq pillugu Inatsisartut inatsisaata allanngortinnera
pillugu, UKA2015/164, pillugu apeqqutit**

Siunnersuut siuliani pineqartoq pillugu ataatsimiititaliaq 22 oktober 2015
saaffiginnissuteqarnermigut Naalakkersuisunut arlalinnik apeqquteqarpoq matumuuna
akineqartunik.

30-10-2015
Suliap nr 2015 - 7821
Allakkap normua 1448950

Postboks 1029
3900 Nuuk
Oqarasuaat (+299) 34 50 00
Allak.: +299 32 20 73
Email: ikiin@nanoq.gl
www.nanoq.gl

**Ilinniarnertuunngorniartarneq pillugu inatsisip allannguuteqarnissaanik
siunnersuut ataatsimut isigalugu:**

1. Inatsisissatut siunnersuutip nalinginnaasumik nassuiaatitaani ataatsimiititaliamit
maluginiarneqarpoq, ilinniarnertuunngorniartarneq Rektori Kultureqarnermut,
Ilinniartitaanermut, Ilisimatusarnermut, Ilageeqarnermullu Naalakkersuisoqarfiup
ataani oqartussaasutut isigineqartoq. Rektori Naalakkersuisut sinnerlugit
atorfinititsisarnissamik periarfissinneqarnissaa pinnagu Rektori inatsimmi
atorfinititsisarnermut soraarsitsisarnermullu toqqaannartumik immikkullu
oqaatussaaffilerneqarnissaa sumik tunngaveqarlutik Naalakkersuisut
naapertuunnerusutut isigaa?

Akissut:

Siunnersuummi pineqarpoq ilinniarnertuunngorniartarneq rektori aqutsinnaanissaminut
tamakkiisumik piginnaatinneqarnissaa, tassunga ilanngullugit atorfinititsisarnernut
soraarsitsisarnernullu tunngasut.

Inatsisip pineqartup oqaasertaani allassimappat, ilinniarnertuunngorniartarneq rektori
ilinniartitsisunik ilinniarnertuunngorniartarneq sulisunut allanut tunngatillugu
atorfinititsisinnissat sooraarsitsinnissallu pillugit Naalakkersuisunut inassuteqarsinnaasoq,
tamanna ima nassuiarniarneqarsinnaavoq inatsisiliortut kissaatigisimagaat
atorfinititsisinnissanut soraarsitsinnissanullu oqartussaaffiviit allanut
suliassiissutigineqarsinnaanngitsut, tamannali siunertaavoq atorfinititsisarnernut
soraarsitsisarnernullu tunngatillugu periusissaq aalajangersimasoq piginnaatitsinerillu
aqutugalugit.

Taamaattumik Naalakkersuisut nalilerpaat inatsisip atuuttut naapertorlugit oqartussaaffiit
allanut suliassiissutigineqarsinnaanngitsut.

2. Inatsisissatut siunnersuummut oqartussaaffinnut taaneqartunut atatillugu,
atorfinititsisarnermut soraarsitsisinnaanermullu pisinnaatitaanerup
atorfinititsisarnermut oqartussaanerup aamma malitsigissagaa
Naalakkersuisut isumaqarpat?

Akissut:

Aap

Tassunga tunngatillugu ilisimatitsissutigineqarsinnaavoq isumaqatigiissutissat isumaqatiginniutigineqartarneri Aningaasaqarnermut Sulisoqarnermullu Aqutsisoqarfimmit suli isumagineqartarmata illinniartitsisullu ilinniarsimasamik iluini isumaqatigiissutigineqarsimasut tunngavigalugit atorfinitsinneqartussaapput. Taamaasillutik Namminersorlutik Oqartussat suliffeqarfiutai atorfinitsinissat, qanoq sivilutigisumik sulisimanermut naatsorsuinernut il.il. tunngasunik Aningaasaqarnermut Sulisoqarnermullu Aqutsisoqarfimmit ilitsersorneqartarput.

3. Kalaallit Nunaanni Namminersornerullutik Oqartussani kommuninilu tjenestemandit pillugu Inatsisartut inatsisissaat nr. 21, 18. december 2003-meersumi § 4-imi ima allassimasoqarpoq taannalu takoqquneqarpoq:

"Namminersornerullutik Oqartussani tjenestemandit Naalakkersuisunit ivertinneqartassapput. Kommunini tjenestemandit kommunalbestyrelsinit ivertinneqartassapput"

Aalajangersakkamut tunngatillugu nalinginnaasumik nassuiaatini ima allasimasoqarpoq:

"§ 4-imut
Tjenestemandinut ataasiakkaannut arlalinnulluunniit atorfinitsitsisarnermi kina oqartussaasuunersoq inatsimmi matumani aalajangersarneqanngilaq. Aalajangersakkami taamaallaat allassimavoq Namminersorluni Oqartussani aamma Kalaallit Nunaanni kommunini ivertitsinermut kikkut akisussaanersut. "

Ilinniarnertuunngorniarsiit pillugit inatsisip allannguutissaatut siunnersuummi uani tjenestemandit atorfinitsinneqartarnerinut soraarsinneqarsinnaanerinnullu aalajangersakkanik immikkut tunngavissanik takussutissaqanngilaq.

Tjenestemandit pillugit inatsimmi Naalakkersuisut toqqaannartumik minitsisoqaranilu naapertuuttut isigaat tjenestemandit Namminersornerullutik Oqartussani atorfinitsinneqartarnerini Naalakkersuisunit atornitsinneqartassasut kinaagaluartorluunniit atorfinitsitsisussatut piginnaatitaagalarpat?

Akissut:

Aallarniutigalugu ilisimatitsissutigineqassaaq atorfeqareersoq atorfimmuq nutaamut atorfinitsinneqarsinnaasarmat taamaattoqartillugulu tjenestemandit atorfik tigummiinarneqarsinnaasarluni.

Ilisimatitsissutigineqassaartaaq 10. februar 2009-mit tjenestemandinik nutaanik atorfinitsitsisarnerup unitsinneqarnera nalunaarutigineqarnikummat. Aalajangerneq taana tunngavigalugu tjenestemandit nutaanik atorfinitsitsisoqartarunnaarpoq. Tjenestemandit ataavartumik atorfilik qinnuteqarnermigut atorfimmuq allamut nuussinnaavoq.

Apeqqutini oqaatigineqartut tjenestemandinut ataasiakkaannut arlalinnulluunniit atorfinitsitsisarnermi kina oqartussaasuunersoq inatsimmi matumani aalajangersarneqanngilaq.

Taamaattorli inatsimmut nalinginnaasumik nassuiaatini allassimavoq:

"Pisariillaasaataasut taaneqarsinnaavoq aalajangersakkani tamani periarfissalinni

allanneqartalerat sulianut ataasiakkaanut tunngatillugu aalajangigassat atorfinitsitsisartutut oqartussaasunit tassalu kommunit namminersornerullutilluunniit isumagineqartarmata.”

Siulittaasup Naalakkersuisoqarfia oqartussaasut sulisorisanut allaffissornikkut akisussaaffii pillugit kaajallaasitaq 16 januar 2015-imeersoq aqutugalugu maligassanik aalajangersaanikuvoq. Kaajallaasitami pineqarput naalakkersuisoqarfiit, pisortaqarfiit aqutsisoqarfiillu tamarmik kiisalu taakku immikkoortortaqarfii tamarmik.

Kaajallaasitami § 1, imm. 1-imi aamma 2-mi aalajangersarneqarsimavoq qitiusumik allattoqarfimmi oqartussat ataasiakkaat nammineerlutik akisussaaffigaaat piginnaatitaaffigalugulu oqartussaaffiup iluani sulisorisanut allaffissornikkut aalajangigassat, oqartussaaffiillu ataasiakkaat akisussaaffii piginnaatitaaffiilu ilaatigut makkuusut sulisuinik atorfinitsitsineq, qaffasinnerusumik atorfinitsitsineq, pissusissanik malinnilluartitsinissamat kinguneqartitsineq soraarsitsinerlu.

Tamatuma saniatigut kaajallaasitami § 1, imm. 3-mi aalajangersarneqarpoq qanoq annertutigisumik oqartussaaffiup ataani suliffeqarfimmut imaluunniit suliffeqarfinnut arlalinnut sulisorisanut allaffissornikkut akisussaatsinerit piginnaatitsinerillu oqartussaaffiit ataasiakkaat aalajangiisinnaasut.

Taamaattumik Naalakkersuisut isumaqarput tjenstemandit pillugit inatsit aammalu siunnersuutip uuma akornanni aaqqiagiinngitsogaanngitsaq. Ilinniarnertuunngorniarni rektorinut atorfinitsitsisarnert soraarsitsisarnerillu eqqarsaatigalugit piginnaatitsissutissatut siunnersuutigineqartut allanit aamma atorineqareerpoq assersuutigalugu atuagaateqarfinnut tunngasumi tassani atuagaateqarfiit pillugit Inatsisartut inatsisaat nr. 8, 8. juni 2014-meersumi i § 8, imm. 2-imi aalajangersarneqarsimammat Nunatta Atuagaateqarfiani pisortaq Nunatta Atuagaateqarfiani sulisuinik atorfinitsitsisartoq. Uani pineqarpoq suliffeqarfimmi namminersorlutik oqartussanit pigineqartumi oqartussaaffinnik suliffeqarfiup pisortaanut piginnaatitsineq.

Oqaatigineqassaartaaq siunnersuutip tusarniutigineqarnerani aammalu inatsisissatut siunnersuutip naalakkersuisut siulittaasuata inatsisileriffiani inatsisartullu qullersaqarfiani inatsisileriffimmi teknikikkut misissorneqarnerani ajornartorsiuteqartoqarnera eqqaaneqarsimangimmat.

4. Naalakkersuisut tjenstemandit atorfinitsinneqartarnerisa
Ilinniarnertuunngorniarninnut Rektornut tamakkiisumik akisussaaffimmik tunniussiniarnerannut tunngavissaq sunarpiaq Naalakkersuisunit pigineqarpa?

Akissut:

Imm. 3-mi oqaatigineqartutut tjenstemandinik nutaanik atorfinitsitsisoqarsinnaajunnaarnikuvoq aamma ilinniarnertuunngorniarni.

Tamatuma saniatigut tamakkiisumik oqaatigineqarsinnaassaaq tjenstemandit pillugit inatsisip najoqqutarineqarsinnaanermigut inatsisartut inatsisaatulli allatut naleqartigimmat. Taamaattumik inatsisiliortut nutaamik inatsisiliornermikkut maleruagassalorsinnaapput inatsit nutaaq tjenstemandit inatsisaanit qaffasinnerusumik inissisimasussanngorlugu.

Inatsisissatut siunnersuutip aningaasatigut allaffissornikkullu kingunissai:

5. Inatsisissatut siunnersuummi allassimasutut atorfinitsitsinnaanermut soraarsitsinnaanermullu piginnaatitsinerup ilinniarnertuunngorniarfimmi Rektorimut nuunneqarnerisigut atorfinitsitsinermi soraarsitsinermiluunniit isumaqatigiinngittoqartillugu akisussaaffik tamakkiisoq – tassunnga ilanngullugit allaffissornikkut aningaasaqarnikkullu akisussaaffik rektormit tigummineqassasut Naalakkersuisut isumaqarpat?

Akissut:

Naalakkersuisut isumaqarput atorfinitsitsinernut soraarsitsinernulluunniit atatillugu aaqqiagiinngitsoqalersillugu rektori allaffissornikkut aningaasaqarnikkullu tamakkiisumik akisussaaffeqartinneqartariaqartoq.

6. Nunatsinni Ilinniarnertuunngorniarfinni sulisunik atorfinitsitsisarnermut soraarsitsisarnermullu atatillugu ullumikkut aningaasartuutaasartut Naalakkersuisunit qanoq amerlatigineri ilimagineqarpat? — Uani sulisunik pisariaqartitsinermik nalilersuineq, atorfiit inuttassarsiorneqarneranik suliaqarneq, atorfinitsitsinermut atatillugu oqaloqateqarnerit, atorfinitsitsinermi isumaqatigiissusiornerit, soraarsitsisoqartillugu susassaqartunik tusarniaanerit ilaallu ilanngullugit.

Akissut:

Atorfinitsitsinernut soraarsitsinernullu aningaasartuutaasartut atuarfimmiit atuarfimmu ukiumiillu ukiumut allanngorarput. Aningaasartuutaasartut eqqarsaatigalugit tassani apeqqutaasarputtaaq atuariit ataasiakkaat qassinik atorfinitsitsisariaqartarneri, sulisuminnik tigumminiinnarsinnaaneri aammalu atorfinitsitsiniartarnerminni periusigisartagaat. Atorfinitsinneqarsinnaasunik piukkunnaatilinnik oqaloqatiginnittarnernut piffissamut atortakkamut aningaasartuutaasartunullu tunngatillugu tassani apeqqutaasarput qinnuteqarsimasut amerlassusaat, qinnuteqartut piukkunnassusaat, atorfinitsitassat illoqarfeqatigisameersuunersut, nunatsinneersuunersut nunanit allaneersuunersulluunniit, atorfigillkamut atatillugu inissaqartinneqassanersut, kisermaajunersut, nutseqatigisassaminnik ilaqutaqarnerisut il.il. apeqqutaasarput.

Aningaasartuutaasartunut tunngatillugu periutsit atugassarititallu apeqqut 6-imi eqqaaneqartut allannguuteqarnaviangillat tamakku aningaasanut inatsimmi aningaasaliissutit aqcutigalugit atuarfinit aningaasartuutigineqartareermata.

7. Atorfinitsitsinermut soraarsitsinermullu rektor piginnaatinneqarpat apeqqut 6-mi eqqartorneqartut aningaasartuutissat ilinniarnertuunngorniarfiit ataasiakkaat tamakkiisumik nammatassarissavaat? Taamaattoqassappat aningaasartuutissat sumut inissinneqassappat?

Akissut:

Inatsisissatut siunnersuut akuerineqareernerata kingorna ilinniarnertuunngorniarfintut atorfinitsitsinernut soraarsitsinernullu atatillugu aningaasatigut atugassarititat allanngortinneqarnaviangillat, aningaasartuutaasartut namminneq isumagereeramikkitt.

8. Maannakkut inatsisit atuuttut tunngavigalugit atorfininnermut atatillugu aamma suliunnaanermut atatillugu pequtit assartorneqarnerinut aningaasartuutit

Naalakkersuisoqarfimmiippat? imaluunniit Ilinniarnertuunngorniarfinni
ataasiakkaani inissisimappat?

Akissut:

Atorfinititsinernut/suliunnaarnernut atatillugu pequtit assartortarnerinut
aningaasartuutaasartut inatsit massakut atuuttoq malillugu ilinniarnertuunngorniarfinnit
ataasiakkaanit isumagineqartarput.

9. Inatsisissatut siunnersuut una akuersissutigineqassappat aningaasartuutissat
apeqqut 8-mi pineqartut sumut inissinneqarnissaat naatsorsuutigineqarpa?

Akissut:

Aningaasartuutaasartut atuarfinnit ataasiakkaanit isumagineqaannassapput.

Inussiarnersumik inuulluaqqusillunga



Nivi Olsen